



XIV  
232675

LE  
**COMBAT**  
DV CAPITAINE  
D'AVVILARS,

ET DE LA GRAVERIE

*son Lieutenant.*

Lesquels se sont entretuez à Sapinicourt  
en Parthois, en l'Armée de M. S. le Duc  
de Guyse, le dix-huictiesme de May  
seize cens dix-sept.

*Selon l'Histoire recitée à Pierre Beaunis, Sieur  
des Viettes, Historiographe du ROY.*




A PARIS,  
Del'Imprimerie de la Voix publique, où l'on  
chante, Viue le Roy.




6252  
39  
326  
1617652  
LE DVEIL CONVERTY  
EN IOYE:

Aux Heritiers du S. d'Auillars.

*Monsieur de Silly a eu reuelations  
Que trois esprits, où il auoit accez,  
Se sont rendus à son Armoirie de Lyons,  
Où par son object finist tous procez,  
Contre sa femme, belle-mere & frere;  
Ses ennemis redoutent sa cholere,  
A ce qu'il participe à la saine memoire  
Qui luy annonce du Combat la victoire.*





L E

## COMBAT DV CAPITaine

*d'Auuilars, Et de la Grauerie**son Lieutenant.*

Le combat est arriué par la surceance & cession d'armes, en quoy les compagnies ont esté commandées de se retirer aux garnisons, suivant le departement du Roy qui leur fut enuoyé, afin de donner le repos aux Villageois en leurs logemens, où monsieur le Capitaine d'Auuilars auoit fait leuée d'une compagnie de cheuaux legers & de carabins en la Province de Normandie, par commission royale, où il auroit estably monsieur de la Grauerie pour estre son Lieutenant, pour faire la conduite d'icelle compagnie en l'armée du Roy, sous le commandement de Monseigneur le Duc de Guise, qui pour lors estoit au siege d'Ar-

A ij



telles, où apres la rendition, leur departement fut ordonné d'aller à la ville de Sapinicourt, apres auoir fait monstre & reueuë sur iceux gens de guerre à l'entrée de la France de ceux qui manquoient, pour n'auoir assisté au voyage comme iceluy Capitaine, desirant en l'armée paroistre suiuant sa qualité, & le dernier du pais, du nom de Salselde, Gentil - homme aux armes redouté, comme en ayant fait preuue en la Cour, aux combats & duels où il auroit esté appellé pour se ressentir du principal poinct d'honneur, ayant l'experience & disposition d'estre braue à cheual & à pied ferme, & de belle taille.

Lequel Capitaine obligeoit ses compagnons d'armes & cheuaux par gratifications, ayant fait faire vn bel esquipage, desirant s'aduancer au retour de ces guerres gueridonnées & descoyonnées, que ces trompettes & camarades Normandois chantoient pour le profit & service du Roy, dedans les Bons Bourgs & Villages qui redoutoient le logement d'iceluy Lieutenant la Grauerie, aussi experimenté pour l'escarmouche

des coups de Canon, & subject à faire des arrañonnemens par où il passoit, estimé hardy-prenant avec ceux de sa brigade: dequoy plaintes en arriuoient trop souuent au Chef conducteur, qui l'incita le Ieudy dix-huictiesme iour de May, estant à son repos sur les sept heures du soir, à faire vne reueuë sur les compagnons, pour voir ceux qui manquoient, & commença à cause d'vne ferme pillée, à dire vne reprimende à son Lieutenant, en faisans ensemble vne pourmenade deuant aucuns de la garnison, luy disant qu'il y auoit long temps qu'il faisoit profession de porter les armes, & n'auoit en son temps veu vne compagnie si mal reiglée qu'estoit la sienne, & qu'il pensoit que son Marechal des logis eust vn esprit de Diable pour le mal loger, & qu'il venoit de recevoir nouuelles qu'vn de leurs compagnons auoit esté à Meaux en Brie pendu & estranglé, encores autres pris & arrestez, & qu'il pensoit qu'en sa brigade auoir trouué & cueilly les plus forts voleurs de la France, ne rapportant que de la scandale à l'armée, & qu'il blefmissoit



quand il en appelloit aucuns ses compagnons, en estant mal assisté, où le Lieutenant pris sujet à le quereller: veu que le iour precedant le porte Cornette l'auoit gourmandé, s'assurant à ses pistolets, & que le Capitaine n'auoit que son espée seule à son costé, commença à le disputer.

Iceluy Lieutenant se trouuant offensé, & considerant le bruit du desseinment de la guerre, & la re. vnion du Roy qui auroit esté faite la veille & le iour de l'Ascension, tant à la ville de Paris, aux à Dieux & conuoy de la Roynne mere, qu'au Chasteau du Bois de Vincenne, à l'arriuee de Messeigneurs les Ducs de Vendosme, de Mayenne, & de Neuers, en ordre comme ils sont venus en poste avec leurs Lieutenans de guerre, pour resioiir sa Majesté, apres auoir entendu la mort du coyon d'Ancre Talboté, & defaite de Dom Alphond du Trauail, qui fut pour sa viciense science rompu tout vif en Greue & brüllé, Et la Grauerie doutant qu'il ne fust ainsi executé, par vne defectiue desesperade, porta vn coup de pistolet sur le corps d'iceluy



Capitaine d'Auuilars, qui luy trauersa le foye, & puis s'enfuya.

Neantmoins, iceluy d'Auuilars fut porté d'un si noble, vertueux & grand courage, qu'il le poursuiuit l'espee à la main, & luy transperça le corps à l'abordade: ce qui luy fist rendre le combat & furieux assault, estant en grand cholere & fascherie, luy donna encor' vingt-deux coups d'espee; Qui incita leurs compagnons à faire vne esmotion & douteuse alarme au susdit Capitaine, qui les rallia: le conduisant à son corps de garde ensaigné, pour promptement le faire penser, disant à ses camarades à Dieu, & qu'il estoit frappé du coup de la mort, & à résisté vingt-quatre heures pour disposer de ses dernieres volontez.

Il fut secouru par plusieurs Guerroyeurs remarquables, que soudain Monseigneur le Duc de Guyse enuoya de sa part, avec Medecins, Chirurgiens & Aumosniers, conduits par M. le Comte de Chasteau-villain, & M. le grand Preuost de l'armée, qui fist les enquestes du combat, dispute & querelle, qui sont redigez par escrit, ainsi que les gens-d'ar-

mes & seruiteurs disent, qui l'incita à proposer de la resouuenance pour les fideles enroollez & mal viuans en memoire, qui occasionnent le travail aux gens de guerre, pour descouurir de quel Estat, Ordre, Office, ou Religion que tenoit le mauuais riche, pour les assubjectir à la rendition de compte, où estre chastiez des arançonnemens qu'ils leuent sur les hostes villageois & bourgeois qui ont veu la desroute.

Prenant son departement du Maistre de Camp, en rendant la vie & armes à son Reformateur, qui permist qu'il fust ouuert, son corps embaumé pour le faire inhumer en terre Sainte, où il a désiré, ayant deliuré le passe-port du Colonel de l'Armée au Camp de Saint Desir, signé de Lorraine, & Bigot, le 21. de May, Pour Robert Bertault, S. des Aunez, Pierre Robin, S. du Long pré, Jean le Gay, S. de la Noüe, & autres subjects d'Auailars, voisins des Vierres, proches de Lizieux, où sa compagnie a commencé à l'assister, & son corps r'aconduire aux Cordeliers, à Paris, où il a esté inhumé le 26. de May. F I N.





